



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Broj: 176 /16  
Sarajevo, 21.12.2016.

Predrag Kojović  
Klub Naše stranke

59 1736

Bosna i Hercegovina  
Federacija Bosne i Hercegovine  
KANTON SARAJEVO

PRIMLJENO: 21.12.2016

Organizaciona jedinica	Klasifikaciona oznaka	Redni broj	Broj priloga
01			

BOSNA I HERCEGOVINA  
FEDERACIJA BOSNA I HERCEGOVINA  
KANTON SARAJEVO  
Skupština Kantona Sarajevo  
n/r predsjedavajuća Ana Babić

**PREDMET: AMANDMANI NA PRIJEDLOG BUDŽETA KANTONA SARAJEVO ZA 2017. GODINU - OVLAŠTENI PREDLAGAČ: KLUB ZASTUPNIKA NAŠA STRANKA**

Poštovani/a,

Na osnovu član 151. Poslovnika Skupštine Kantona Sarajevo ("Službene novine Kantona Sarajevo" – Drugi novi prečišćeni tekst, broj 41/12) kojim se propisuje da pravo predlaganja amandmana ima Klub zastupnika u Skupštini Kantona Sarajevo, dostavljamo amandmane na Prijedlog budžeta Kantona Sarajevo za 2017. godinu.

U skladu sa članom 152. Poslovnika Skupštine Kantona Sarajevo isti su podneseni pismeno, sa obrazloženjem. Za svaki amandman smo ukazali na izvore sredstava, odnosno uvećanje na određenom ekonomskom kodu u Prijedlogu te prijedlog umanjenja na drugom ekonomsku kodu.

Amandmane upućujemo predsjedavajućoj Skupštine blagovremeno, u skladu sa rokom postavljenim u Poslovniku od sedam dana od dana određenog za održavanje sjednice, imajući u vidu da je 24. radna sjednica Skupštine Kantona Sarajevo, na čijem dnevnom redu se nalazi ova tačka, zakazana za 28.12.2016. godine, a da amandmane upućujemo 21.12.2016. godine.

Imajući u vidu navedeno, uzimajući u obzir izmjene u odnosu na Nacrt budžeta Kantona Sarajevo za 2017. godinu, provedene javne konsultacije sa građanima i predstavnicima civilnog društva, Klub Naše stranke, kao ovlašteni predlagatelj, na osnovu člana 151. i 152. upućuje sljedeće amandmane na Prijedlog budžeta Kantona Sarajevo za 2017. godinu:

## AMANDMAN I

---

Povećava se izdvajanje na poziciji (ekonomski kod) **614200 LAM006 096F Troškovi smještaja i ishrane studenata** sa 15.000,00 KM na 25.000,00 KM.

Povećava se izdvajanje na poziciji (ekonomski kod) **614200 LAM001 096F Stipendije učenicima i studentima** sa 250.000,00 KM na 300.000,00 KM.

Uvodi se nova pozicija Ministarstva za obrazovanje, nauku i mlade Kantona Sarajevo u odjeljku tekući transferi pojedincima (ekonomski kod) **(614200) Posebni program stipendija studentima tehničkih fakulteta** u iznosu od 55.000,00 KM.

Povećava se izdvajanje na poziciji (ekonomski kod) **614300 Nov 097F Informatizacija u obrazovanju** sa 70.000,00 KM na 90.000,00 KM.

Povećava se izdvajanje na poziciji (ekonomski kod) **615300 Nov 098F F Sufinansiranje projekta SM@RT - vlastito učešće** sa 10.000,00 KM na 30.000,00 KM.

Povećava se izdvajanje na poziciji (ekonomski kod) **821200 Nov 098F Izgradnja OŠ na Stupu** sa 25.000,00 KM na 50.000,00 KM.

Povećava se izdvajanje iz Budžeta na poziciji (ekonomski kod) **821600 LAX002 098F Rekonstrukcija i opravka krovova, sanitarnih vodovodnih i el. instalacija (kotlovnica i sl.)** sa 50.000,00 KM na 70.000,00 KM.

Umanjuje se izdvajanje pri organizacionoj jedinici Ministarstvo finansija Kantona Sarajevo na poziciji (ekonomski kod) **614300 JAN001 041F „SERDA“** sa 400.000,00 KM na 200.000,00 KM.

## OBRAZLOŽENJE

Sarajevska regionalna razvojna agencija ne ispunjava u dovoljnom obimu cilj njenog osnivanja. Na zvaničnoj web-stranici većina aktuelnih projekata i aktivnosti provodi se na način da je partnerska organizacija/preduzeće praktično nosilac projekta, a na pregledu projekata SERDA-e nisu navedeni noviji projekti (pa se tako na web-stranici nalazi rubrika: Projekti 2007-2014). Stav Naše stranke od ranije je da finansiranje istoj treba ukinuti, ali smatramo prihvatljivim i postepeno umanjeње izdvajanja. Predložena uvećanja izdvajanja tiču se povećanja izdvajanja i ulaganja u obrazovanje i obrazovne ustanove.

## AMANDMAN II

---

Povećava se izdvajanje na poziciji (ekonomski kod) **821600 Nov 036F Dogradnja i adaptacija PS Stari Grad** sa 1.000,00 KM na 100.000,00 KM.

Povećava se izdvajanje na poziciji (ekonomski kod) **821600 HAX025 036F Dogradnja i adaptacija III PU** sa 200.000,00 KM na 251.000,00 KM.

Umanjuje se izdvajanje pri organizacionoj jedinici Ministarstvo privrede Kantona Sarajevo na poziciji (ekonomski kod) **614300 IAN029 047F Podrška Agenciji za privatizaciju Kantona Sarajevo** sa 350.000,00 KM na 200.000,00 KM.

## OBRAZLOŽENJE

Ministarstvo unutrašnjih poslova Kantona Sarajevo je zatražilo sredstva za nekoliko projekata vezanah za rekonstrukciju i sanaciju objekata. Klub zastupnika Naše stranke traži od Skupštine Kantona Sarajevo da se osiguraju sredstva za dogradnju i adaptaciju Policijske stanice Stari Grad. Smatramo i III Policijske uprave da je isto nužno za bolje funkcionisanje policije u lokalnoj zajednici, te stvarnoj potrebi ulaganja u infrastrukturu koja su izostala u ranijim godinama u konkretnom slučaju.

## AMANDMAN III

---

Uvodi se nova pozicija Ministarstva kulture i sporta Kantona Sarajevo u odjeljku Transferi institucijama sporta (ekonomski kod) **614300 pod nazivom Transfer za posebne programe učešća žena u kolektivnom sportu** u iznosu od 100.000,00 KM.

Umanjuju se izdvajanje pri organizacionoj jedinici Ministarstva kulture i sporta Kantona Sarajevo na poziciji (ekonomski kod) **614300 MAN024 081F Vrhunski sport-kriteriji** sa 900.000,00 KM na 800.000,00 KM.

## OBRAZLOŽENJE

Naša stranka zagovara posebna ulaganja za podršku učešća žena u kolektivnim sportovima. S tim u vezi tražimo da se osigura posebna linija sa koje bi se izdvajala sredstva za ovaj segment razvoja sporta, a time podstakla i ravnopravna raspodjela na osnovu podjele sportskih kolektiva po strukturi zastupljenosti oba spola.

## AMANDMAN IV

---

Uvodi se nova pozicija Ministarstva za obrazovanje, nauku i mlade Kantona Sarajevo u odjeljku Izdaci za nabavku stalnih sredstava (ekonomski kod - 821000) pri segmentu Nabavka opreme pod nazivom **Grant za finansiranje nabavke Programa „Govorna sinteza“ za govorne instrukcije slijepih i slabovidnih za računare u školama** u iznosu od 10.000,00 KM.

Uvodi se nova pozicija Ministarstva za obrazovanje, nauku i mlade Kantona Sarajevo u odjeljku **Kapitalni transferi (ekonomski kod - 615300)** pri segmentu **Kapitalni transferi neprofitnim organizacijama pod nazivom Grant za analizu broja i statusa osoba sa invaliditetom – korisnika kolica i lica sa poteškoćama u kretanju u svrhu osiguranja strateškog pristupa** u iznosu od 5.000,00 KM.

Povećava se izdvajanje na poziciji (ekonomski kod) **614300 MAN072 082F -Kantonalni sportski savez invalida** sa 8.800,00 KM na 12.800,00 KM.

Uvodi se nova pozicija Ministarstva kulture i sporta Kantona Sarajevo u odjeljku Transferi institucijama sporta (ekonomski kod - 614300) pod nazivom **Transfer za organizaciju Sarajevskog polumaratona** u iznosu od 6.500,00 KM.

Povećava se izdvajanje na poziciji (ekonomski kod) **614300 MAN010 082F -"Prosvjeta" Srpsko kulturno društvo** sa 19.300,00 KM na 24.300,00 KM.

Povećava se izdvajanje na poziciji (ekonomski kod) **614300 MAN062 082F -"La benevolencija" Jevrejsko kulturno društvo** sa 5.500,00 KM na 10.500,00 KM.

Povećava se izdvajanje na poziciji (ekonomski kod) **614300 MAN0D5 082F Biblioteka za slijepa i slabovidna lica BiH** sa 60.000,00 KM na 64.500,00 KM.

Umanjuje se izdvajanje na poziciji (ekonomski kod) **614300 BDN003 085F Transferi vjerskim zajednicama** sa 350.000,00 KM na 310.000,00 KM.

#### **OBRAZLOŽENJE**

Riječ je umanjenju izdvajanja iz transfera vjerskim zajednicama, a pritome je 20% sredstava preusmjereno na Jevrejsko i Srpsko kulturno društvo, kako bi se umanjio nesrazmjer u finansiranju ova dva udruženja u odnosu na druga dva kulturna udruženja koja se organizuju na osnovu pripadnosti etničkoj/religijskoj grupi. Ostala sredstva su preusmjerena na različite projekte koji se tiču podrške osobama sa invaliditetom na osnovu zahtjeva i prijedloga građana i građanki.

#### **AMANDMAN V**

---

Povećava se izdvajanje za Kantonalno tužilaštvo Kantona Sarajevo na poziciji (ekonomski kod) **613900 033F Ugovorene i druge posebne usluge** sa 545.000,00 KM na 665.000,00 KM.

Umanjuje se izdvajanje pri organizacionoj jedinici Skupština Kantona Sarajevo na poziciji (ekonomski kod) **614300 AAN010 011F Finansiranje političkih stranaka i parlamentarnih grupa** sa 1.193.600,00 KM na 1.073.600,00 KM.

### OBRAZLOŽENJE

Vlada Kantona Sarajevo na ovoj poziciji odobrila je sredstava u iznosu od 545.000,00 KM, a što je neznatno više od sredstava odobrenih u budžetu za 2016. godinu, tačnije za 45.000,00 KM. Za ovu poziciju Kantonalnom tužilaštvu Kantona Sarajevo je potrebno budžetskih sredstva u iznosu od 793.000,00 KM i ista su planirana na bazi stvarnih – dospjelih obaveza za prvih 6 mjeseci 2016 godine . Izdaci sa ove pozicije odnose se prvenstveno na naknade vještacima za izvršena vještačenja u krivičnim predmetima koji se vode kod ovog Tužilaštva, te vještačenja raznih medicinskih i drugih stručnih institucija. Posebno treba imati u vidu složenost i cijenu koštanja vještačenja u predmetima privrednog kriminala koji su prioritet u radu ovog Tužilaštva, a koji opet poizilaze iz strategije borbe protiv privrednog kriminaliteta, kao i činjenicu da je u setu svih promjena došlo i do izmjene Uredbe koja je upravo zbog ovih predmta promijenjena i gdje je sada moguće u složenim predmetima izvršiti isplate u 3 puta većem iznosu nego što je to bilo u ranijem periodu; vještačenja koja se obavljaju kada se vodi finansijska istraga u cilju donošenja mjera oduzimanja imovine pribavljene krivičnim djelima. Napominjemo da se pored obaveznih vještačenja sa ove pozicije isplaćuju i naknada svjedocima u krivičnim predmetima, zatim troškovi nastali po Naredbama Tužilaca kao što su: usluge "pauka", prevoz unesrećenih lica do prosekture Kliničkog centra Sarajevo i sl.

### AMANDMAN VI

---

Uvodi se nova pozicija Ministarstva za obrazovanje, nauku i mlade Kantona Sarajevo u odjeljku **Kapitalni transferi (ekonomski kod - 615300) pri segmentu Kapitalni transferi neprofitnim organizacijama pod nazivom Grant Srednjoj medicinskoj školi Jezero i Srednjoj zubotehničkoj školi za pokretanje programa za ortoprotetičke tehničare (izrađivače ortopedskih pomagala)** u iznosu od 30.000,00 KM.

Umanjuje se izdvajanje pri organizacionoj jedinici Ministarstvo za boračka pitanja Kantona Sarajevo na poziciji **614300 DAN027 107F Udruženja građana - boračka udruženja finansiranje/sufinansiranje programa i projekata** sa 900.000,00 KM na 870.000,00 KM.

### OBRAZLOŽENJE

Nakon što je u oktobru Odbor za prava osoba sa invaliditetom pokrenuo sa zastupnikom Edinom Fortom inicijativu za pokretanje obrazovnog programa za ortoprotetičke tehničare (izrađivače ortopedskih pomagala) u okviru sistema dodatnog osposobljavanja lica sa završenom srednjom stručnom spremom, stigao je i pozitivan odgovor institucija. Na upit Ministarstva obrazovanja, nauke i mladih Kantona Sarajevo, javne ustanove „Srednja medicinska škola Jezero“ i Srednja zubotehnička škola izjasnile su se da imaju kapaciteta za

realizaciju predložene inicijative. Ovaj program može doprinijeti osposobljavanju ratnih veterana za nove poslove, a istovremeno dugoročno će umanjiti troškove nabavke pomagala za osobe sa invaliditetom – korisnike proteza.

#### AMANDMAN VII

---

Uvodi se nova pozicija Ministarstva za obrazovanje, nauku i mlade Kantona Sarajevo u odjeljku tekući transferi pojedincima (614200) **Stipendije za mobilnost studenata** u iznosu od 100.000,00 KM.

Umanjuje se izdvajanje pri organizacionoj jedinici Ministarstvo za boračka pitanja na poziciji **614300 DAN001 098F Transfer neprofitnim organizacijama (Fond "IKRE")** sa 600.000,00 KM na 500.000,00 KM.

#### OBRAZLOŽENJE

Najveći fokus Fonda 'Ikre' je u dodjeli stipendija studentima. Ovakve projekte treba podržati, ali je važno da Ministarstvo i institucije Kantona Sarajevo podržavaju i pokreću vlastite projekte potpore studentima. S tim u vezi tražimo pokretanja fonda za tekuće transfere pojedincima za svrhe osiguranja mobilnosti i potpore stipendijama studentima koji apliciraju za studiranje u inostranstvo.

#### AMANDMAN VIII

---

Uvodi se nova pozicija Ministarstva za obrazovanje, nauku i mlade Kantona Sarajevo u odjeljku Transferi neprofitnim organizacijama (614300) **Transfer za pristup programima Osnovna.ba u vanrednim okolnostima zagađenja za učenike osnovnih škola** u iznosu od 20.000,00 KM.

Umanjuje se izdvajanje u organizacionoj jedinici **Kabinet premijera Kantona Sarajevo** na poziciji (ekonomski kod) **614300 011F Transferi neprofitnim organizacijama** sa 70.000,00 KM na 50.000,00 KM.

#### OBRAZLOŽENJE

Predloženim mjerama želimo osigurati mogućnost održavanja nastave i nadoknade nastave za učenike osnovnih škola kroz obrazovanje 'od kuće' za vrijeme ekstremnog zagađenja u gradu. Također, subvencijama besplatnog javnog prevoza želimo osigurati mogućnost umanjivanja korištenja privatnih vozila u vanrednim okolnostima ekstremnog zagađenja.

## AMANDMAN IX

---

Umanjuje se izdvajanje u organizacionoj jedinici Ministarstvo pravde i uprave Kantona Sarajevo na poziciji **614400 083F Subvencije javnim preduzećima - JP Televizija Kantona Sarajevo** sa 3.350.000,00 KM na 3.180.000,00 KM.

Uvodi se nova pozicija Ministarstva saobraćaja Kantona Sarajevo u odjeljku Subvencije javnim preduzećima (**614400**) **Subvencije za osiguranje besplatnog javnog prijevoza u vanrednim okolnostima zagađenja** u iznosu od 50.000,00 KM.

Povećava se izdvajanje za Ministarstvo za obrazovanje nauku i mlade Kantona Sarajevo na poziciji **614300 LAN053 097F Podrška realizaciji projekata mladih** sa 90.000,00 KM na 120.000,00 KM.

Povećava se izdvajanje za Kantonalna javna ustanova Dom za djecu bez roditeljskog staranja na poziciji **613600 104F Unajmljivanje imovine i opreme** sa 22.000,00 KM na 52.000,00 KM.

Povećava se izdvajanje za Kantonalna javna ustanova Dom za socijalno zdravstveno zbrinjavanje osoba sa invaliditetom i drugih osoba na poziciji **613600 101F Unajmljivanje imovine i opreme** sa 408.800,00 KM na 438.800,00 KM.

Povećava se izdavanje za Ministarstvo za obrazovanje nauku i mlade Kantona Sarajevo na poziciji **614300 Nov 097F Realizacija programa i projekata studentskih organizacija** sa 20.000,00 KM na 50.000,00 KM.

## OBRAZLOŽENJE

Riječ je o umanjenju subvencija za manje od 4% prema Televiziji Kantona Sarajevo, a u svrhu osiguranja veće podrške projektima mladih i projektima studentskim organizacijama, kao i osiguranje nove opreme za Dom za djecu bez roditeljskog staranja i Dom za socijalno zdravstveno zbrinjavanje osoba sa invaliditetom i drugih osoba. Proširenje ove četiri stavke na po 30.000,00 KM donijelo bi značajan napredak za institucije i korisnike, a posebno djecu i mlade. Također, posebnim subvencijama želimo osigurati besplatni javni prevoz u posebnim uslovima zagađenja zraka, te osigurati mogućnost umanjenja korištenja privatnih vozila u vanrednim okolnostima ekstremnog zagađenja.

Imajući u vidu da su amandmani podneseni blagovremeni i dostavljeni na razmatranje stručnim službama, tražim da se o istim očituje Skupština Kantona Sarajevo u skladu sa Poslovníkom Skupštine Kantona Sarajevo.

S poštovanjem,

**Predrag Kojović** 

Klub zastupnika Naše stranke u Skupštini Kantona Sarajevo

